

Erasmus samstarfsverkefni

Álfhólsskóli tekur þátt í Erasmus-plus verkefni ásamt skólum frá Spáni, Tyrklandi, Grikklandi, Póllandi og Rúmeníu sem hefur yfirumsjón með verkefninu. Viðfangsefni verkefnisins er að taka á auknu einelti og mismunun innan skólanna og deila hugmyndum um hvernig eigi að bregðast við og fyrirbyggja. Rafrænt einelti sem fer fram á samfélagsmiðlum er vaxandi vandamál innan skólanna. Þetta er einelti sem skólarnir eiga í erfiðleikum með að ná utan um og uppræta. Það sem flækir málið er að kennarar og foreldrar þurfa ekki aðeins að takast á við einelti og mismunun innan skólanna eða á heimilum heldur verða þeir að glíma við flóknar aðstæður á netinu sem erfitt er að skilja og fylgjast með. Foreldrar og kennarar eiga því erfiðara með að sjá og átta sig á einkennum eineltis og flóknara verður að koma upp aðgerðaráætlun til að fyrirbyggja það. Verkefnið stefnir að því að finna vísbendingar um neteinelti og leiðir til þess að fyrirbyggja einelti á netinu og í skólunum með samvinnu skóla og annarra hagsmunaaðila. Verkefnið tekur tvö ár og stefnt er að því að hittast í Grikklandi í nóvember 2017 og á Íslandi í maí 2018.